

**Sud Bosne i Hercegovine**
Суд Босне и Херцеговине

Broj: S1 3 Iž 041585 21 Iž
Sarajevo, 05.11.2021. godine

IZVORNIK!

Sud Bosne i Hercegovine u Sarajevu, u apelacionom vijeću sastavljenom od sudija Vesne Trifunović, predsjednika vijeća, Dinke Bešliagić-Čovrk i Srete Crnjak, članova vijeća, odlučujući o žalbi Kluba vjećnika SDP-a BiH u Gradskom vijeću Grada Motara, Husnije Repca 7, 88000 Mostar, izjavljenoj protiv rješenja Centralne izborne komisije Bosne i Hercegovine, broj: 06-1-07-1-499/21 од 20.10.2021. godine, o davanju saglasnosti na rješenje o imenovanje članova Gradske izborne komisije Mostar, u nejavnoj sjednici, održanoj dana 05.11.2021. godine, donio je

R J E Š E N J E

Žalba se odbacuje kao nedopuštena.

O b r a z l o ž e n j e

Rješenjem Centralne izborne komisije Bosne i Hercegovine, broj i datum navedeni u uvodu, data je saglasnost na Odluku Gradskog vijeća Mostar, broj: 01-02-499/21 од 20.10.2021. godine, kojom se na dužnost u članstvu Gradske izborne komisije Mostar, imenuju: 1. Rifat Zlomužica, član, 2. Antonio Vrljić, član, 3. Armina Krvavac, članica, 4. Saša Mavrak, član, 5. Lidija Petrović, članica, 6. Almir Ćorić, član i 7. Mario Čuturić, član.

Protiv ove odluke blagovremeno je izjavio žalbu Klub vjećnika SDP-a BiH u Gradskom vijeću Grada Mostara.

U odgovoru na žalbu Centralna izborna komisija je predložila da se žalba odbaci kao nedopuštena jer je izjavljena od neovlaštenog lica, ili u protivnom odbije kao neosnovana.

Pošto je ispitalo osporenu odluku u granicama žalbenih razloga, vijeće Apelacionog odjeljenja Suda Bosne i Hercegovine je odlučilo kao u izreci iz sljedećih razloga:

Žalba nije dopuštena.

Iz stanja spisa predmeta proizilazi da je donosilac ožalbene odluke, Centralna izborna komisija Bosne i Hercegovine, dala saglasnost na Odluku Gradskog vijeća Mostar, broj: 01-02-499/21 od 20.10.2021. godine, kojom se na dužnost u članstvu Gradske izborne komisije Mostar, imenuju: 1. Rifat Zlomužica, član, 2. Antonio Vrljić, član, 3. Armina Krvavac, članica, 4. Saša Mavrak, član, 5. Lidija Petrović, članica, 6. Almir Ćorić, član i 7. Mario Čuturić, član.

Odredba člana 41. Zakona o upravnom postupku BiH (Službeni glasnik BiH 29/02, 12/04, 88/07, 93/07 i 41/13) definiše pojam stranke kao osobe po čijem je zahtjevu pokrenut postupak ili protiv koje se vodi postupak ili koja radi zaštite svojih prava ili pravnih interesa ima pravo učestvovati u postupku. Navedeni zakon u odredbi člana 213. stav 1. propisuje da stranka ima pravo žalbe protiv rješenja donesenih u prvom stepenu, dok odredba člana 214. stav 1. tog zakona propisuje da se pravo žalbe protiv rješenja organa uprava BiH i institucija koje imaju javna ovlaštenja, uređuje zakonom BiH iz odgovarajuće upravne oblasti iz nadležnosti insitucija BiH. Stoga je odredbom člana 6.2 stav 1. Izbornog zakona BiH („Službeni glasnik BiH“, br.23/01, 7/02, 9/02, 20/02, 25/02, 4/04, 20/04, 25/04, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14) utvrđeno pravo birača i političkog subjekta da izornoj komisiji može podnijeti prigovor ukoliko je njegovo pravo, utvrđeno Izbornim zakonom BiH, povrijeđeno.

U predmetnoj stvari, žalbu je podnio Klub vijećnika BiH u Gradskom vijeću Grada Mostar. Navedeni podnosilac žalbe Klub vijećnika SDP-a BiH u Gradskom vijeću Grada Mostara. Navedeni podnosioci žalbe nisu stranka u postupku, jer se kao stranka mogu pojaviti lica koja su učestvovala u konkursnoj proceduri odnosno ona lica koja su se prijavila po javnom oglasu za izbor članovi Gradske izborne komisije Mostar, a nisu imenovana od strane Gradskog vijeća Mosta, ako su smatrala da su im povrijeđena prava u skladu sa Izbornim zakonom BiH.

Podnosioci žalbe nisu ovlašteni za podnošenje žalbe jer nisu bili stranka u postupku izbora članova Gradske izborne komisije Mostar. Stoga, po shvatanju ovog vijeća, donošenjem pobijane odluke nisu povrijeđena prava podnosioca žalbe, posebno imajući u vidu odredbe člana 2.12 stav 5. Izbornog zakona BiH kojim je propisano da članove Gradske izborne komisije imenuje Gradsko vijeće uz saglasnost Centralne izborne komisije BiH posebnim propisom.

Kako je žalba podnesena od lica koja nisu ovlaštena za podnošenje žalbe, to je apelaciono vijeće primjenom odredbe člana 180.stav 1. i 3. Zakona o parničnom postupku pred Sudom BiH („Službeni glasnik BiH“, broj: 36/04,84/07 i 58/13), a koja odredba se primjenjuje na osnovu člana 60. a) Zakona o upravnim sporovima Bosne i Hercegovine („Službeni glasnik BiH“, br. 19/02, do 74/10), odbacilo kao nedopuštenu.

**PREDSJEDNIK VIJEĆA
S U D I J A
Vesna Trifunović**